

華縣志

乙亥秋刊



乙亥中秋

翠縣志

百香書局

經川圖書  
館校刊



重刊嘉靖鞏縣志序

吾鞏有志不詳推輪所始據所聞時代較早者清初有鞏志四卷而代遠年湮邈焉無徵頃邑之士紳有重修鞏志之舉凡載籍可備采擇者蒐羅靡遺鎮華聞諸故人謂寧波范氏天一閣藏有嘉靖鞏志當卽飛函倩人傭寫涉獵一過如得異珍蓋方志慣例凡新書告成舊書逐漸零落往往百餘年間欲求片紙而不得張好奇顏光昌多時琦爲時幾何而順康間鞏志三經纂修刊印流行今已無存嘉靖距今四百餘載倏於數千里外獲覩先民遺箸發簡策於沈霾之後拾叢殘於煨燼之餘孔壁汲冢球圖不如

鞏縣志

序

經川圖書館校刊

也按此志葢事於嘉靖三十四年爲卷凡八主修者知縣德州周泗操觚者邑人生員康紹第其爲初修與否敘語不詳顧舊板旣燬於兵燹志畧又削於刀筆卽謂之初也亦宜夫以修志之難也封疆百里煙火萬家名爲一邑儼埒桓信諸侯紀錄之繁上符國史於此而欲志乘之良必擇碩學通儒而又假以寬閒歲月俾得肆力探討極深研幾決妍媸於幽獨析真贗於毫芒遠之追及邃古近之訪諸山陬水濱庶幾不遺不濫有典有則煌煌乎鉅製也嘉靖鞏志成於茹月之頃出紹第一手事蹟務求核實辭藻不尙枝葉以精鑿之識運簡古之筆舉一切迷信柔媚憊



恍游移之語均不繞其毫端雖不敢驟詡爲上駟參之明代方志殆亦在季孟之間獨是書史流傳爲事至險衆口贈災之篇不轉瞬而雲散霞飛有清迭修鞏志未曾一溯康撰則此書之湮鬱久矣設非天一閣珍藏誰復知有嘉靖鞏志者而隆萬天崇間有無再修之本尙難臆度儻不急謀剗刷則此傳鈔副本何以播諸久遠此重刊之所以不容已也民國二十四年五月劉鎮華謹序

鞏縣志

序

二

經川圖書館校刊



鞏縣志前序

序曰凡郡縣必有志者所以載時事足文獻而政治所關莫有過於此者矣但今之爲令者率以簿書稽會爲盡職而於志爲末務漫不加省又豈知事有似緩而實急似細而實大者乎何也志之所載邑之山川疆域人物職官田賦戶口風俗節義靡所不紀以備觀民風者采而納之太史氏而太史氏獻之天王以需留覽或有警省則民隱於是乎卹矣是志之所係實至急至大而可以緩且小者視之耶以故予受命知鞏下車之後命取志而觀之左右曰無旣而詢諸生儒則曰舊有志板旣殘燬於兵事又缺其

鞏縣志

前序

一 經川圖書館校刊

典籍乃以前學諭潘子志畧呈焉予披閱之餘見其中多有可否予於怪而不經者削之妄而過實者去之欲刪舊飾新以成厥志奈之何心擾於事之煩筆奪於訟之判復資於學諭楊月潭學訓冀勵岩李洙西懋簡博於史學之生四五子以禮敦請居於靜所密考諸子百家之書益以習見博聞之蹟予頻躬詣其所商榷是非夜分乃旋越數月稿成予載觀之見其典而實要而切質之野史同而有徵參之郡志詳而不妄予乃羨之曰允若茲雖不敢以擬名家之傳庶鞏之爲邑山川疆域之險易人物職官之城否田賦戶口之盛衰風俗節義之習尙可一覽而見矣觀



民風者之求可持是以應矣天王之所以勤卹民隱可按  
是而敷矣未必無小補云故捐己之俸命工鉸梓非敢爲  
躍己能特以紀鞏之迹俾後之賢者增益有據耳觀者幸  
勿鄙焉嘉靖三十四年歲次乙卯正月吉旦知鞏縣事鄉  
進士廣川郡德州松川周泗序

鞏縣志

前序

一 經川圖書館校刊



鞏縣志目錄

序

卷之一

疆域

建置

沿革

星野

邑名

形勝

風俗

鞏縣志

目錄

山川  
寨

卷之二

官治

祿秩

城池

邊維

保里

坊表

店鎮

積市



學治

壇壝

職官

卷之三

土產

戶口

田賦

農桑

課程

土貢

鞏縣志

目錄

二

經川圖書館校刊

荒政

惠政

武備

卷之四

古蹟

故城

故縣

閘壩

科目

祠祀



陵墓

寺觀

宮室

名宦

卷之五

帝王附后妃

人物

流寓

孝義

節婦

鞏縣志

目錄

三

涇川圖書館校刊

卷之六

藝文

卷之七

藝文

遺文

詩

卷之八

雜志

鞏縣志目錄終



鞏縣志卷之一

知縣德州周泗校

生員康紹第集

疆域

縣境在府東北一百三十里東抵汜水西抵偃師南抵登封北抵黃河其廣六十里其袤一百里

建置

按禹貢鞏縣在豫州之域春秋周惠公封少子班於此爲東周君又周卿士鞏簡公之甸因四面有山河之固故名鞏此建置之始也

鞏縣志

卷之一

一 經州圖書館校刊

沿革

秦因周舊漢置鞏縣魏晉因之後魏屬成皋郡北齊屬洛州隋徙治洛口唐屬東都金屬中京金昌府元屬河南府路

國初洪武元年天兵下河南民人李黑塔率兵歸附今屬河南府編戶二十九里今併二十二里

星野

禹貢豫州之域天文柳分野 周禮注疏房星爲豫州 史記天官以房心爲豫州分野 班固取三統歷十二次配十二野自房五度至尾九度爲大火



於辰在卯宋之分野屬豫州 晉天文志房心宋豫州

邑名

永安縣在縣南羅口保宋初年建今廢

芝田縣卽永安縣在元因產芝草遂生虛亞後中狀元因改名芝田今廢

形勝

東接成皋西連古臺南倚叢山北距黃河阻山帶河四塞鞏固中原險要之區伊洛咽喉之地亦一縣之勝概也

鞏縣志

卷之一

二

經川圖書館校刊

風俗

上行下效謂之風衆心安定謂之俗東周古太和之鄉禹貢稱豫州豫和樂也故俗尙淳樸崇禮義降自唐宋俗尙可金元愈不逮於前矣

本朝德教流行崇尙德化士趨道義男耕女織可謂復古淳樸禮義之風矣

山川

邙山在縣北三里西擁昭曉河洛之間爲神堤保障古號秦頭魏尾正此地也

紫金山在縣西南隅孤高峙立峭絕巍峩其色類紫



金故名

虎頭山在縣南門之東僅接城垣其形類虎頭故名  
正德七年流賊據其山以攻城遂陷之殘殺甚衆賊  
退因斷其山頸增修堞口窩鋪可以避兵

龍尾山在西三里宋朝葬陵聯屬而下至此斷絕尾  
接河洛因名

青龍山在南四十里其山崙岑高聳宋太祖及諸陵  
寢所在以其在陵東故云

亂石山在縣南八十里下出牛鼻五泉

趙封山在縣南四十里宋朝種茶株於此封其山禁

鞏縣志

卷之一

三 經川圖書館校刊

樵探故云

青堆山在縣東南一十五里形勢聳立四時青翠古  
稱青堆

磨臍山在縣東南二十里山勢中高而四圍陡峻形  
如磨臍故名

老君山在縣東南八十里下有老君洞丹井遺蹟在  
焉

猴山在縣東南二十里山高峻如猴故名昔晉王亥  
隱居於此明帝累徵不就居趾石刻尙存

夫人山在縣東南三十里漢光武經此納左氏夫人



後左氏終於此山故名

寒戰山在縣南五十里峻嶒巉峭高插雲霄下有玉  
仙河人經者凜然戰懼

鐵山在縣東四十里山石俱黑俗稱鐵山

馬鞍山在縣北八里邨山尾凹形似馬鞍故名

黑雲山在縣西南六十里昔成湯遇旱七年剪爪以  
六事自責於此山時起黑雲天降大雨故名

軒轅山在縣西南七十里樂盈過周王使候出諸軒  
轅卽此其坡有三曲道將去復還故名漢於此置閭  
孤山在縣西二里以其特立無朋也

鞏縣志

卷之一

四

經川圖書館校刊

卧龍崗在縣東五十里其崗灣曲形似卧龍故名

射堞山在縣西南六十里宋將孟良常習射於此

火名嶺在縣三十里其嶺之石擊火易燃

駱駝嶺在縣西一里形如駱駝絕壁要路之口與虎  
頭山並峙尖削秀麗奇峙也

寺嶺在縣東二里嶺下有竹林古寺故名

窑嶺在縣西南八十里昔宋置鐵冶於此

五指嶺在縣東南七十里上有石五塊若五指然故  
名

嵩嶺在縣西南七十里連接嵩山故名



孤姑嶺在縣西二十里彼時孤姑坐化建塔故名  
寨

鹿耳寨在縣東南趙封保其峯峻絕上有泓水四面  
壁立止有小徑可以避兵

雞翎寨在縣南羅口保元初臺百戶立寨於此  
天堂寨在縣東南趙封保元人郝義避兵於此

孟良寨在縣東南羅口保宋將孟良立

劉備寨在縣西南原良保昔劉備關羽張飛襲虎牢  
關伐呂布屯兵於此

罌子峪在縣東二十五里五代唐莊宗遇嗣源還至

鞏縣志

卷之一

五 經川圖書館校刊

罌子峪卽此

蓼子峪在縣東三十里卽汜水縣界

裴家峪在縣西北二十里山蹊徑曲狹溝深險臨黃  
河通溫孟二縣往來多匿盜賊議建守備之策未成  
此爲有司關心之地也

川

洛水在縣西北四里至洛口入於黃河

市河在縣東門外出青龍山入於洛景云市河煙柳  
卽其處也

青龍河在縣西南五十里會牛鼻五泉入於洛



洛口在縣東北二十里卽洛入河之口書曰伊洛漣  
澗旣入於河卽其處也

飲馬溝在縣東七里昔呂布屯兵虎牢關嘗飲馬於  
此

后澗溝在縣西南三十里上有石橋

騷駘溝在縣西四十五里

醋峪溝在縣東七十里溝之內有二石盆遇天陰雨  
盆內有水下滴不涸不溢

厚村溝在縣東二十五里其溝狹水注入於大河

峽峪溝在縣東南七十里兩山對峙極陡峻

鞏縣志

卷之一

六

經川圖書館校刊

石獅溝在縣西二十里古有石獅故名

水浴溝在縣西二十里水出邨山入於洛

和泥溝在縣西南二十里昔宋修陵和泥於此

岑彭溝在縣東南四十里漢將岑彭葬於此

檐車澗在縣西三十里路陡而狹每車輛經此必拆  
卸而過之

神堤渠在縣北二十里中低而四圍頗高其水常爲

患永樂十六年縣丞華胥爲之開導水患始免

黑龍潭在縣東南羅口保慈雲寺前禱雨卽應

龍潭在縣東南七十里前有太素元君廟遇旱禱雨



多應

回回凹在縣西南三十里元時牧馬之地

蓮花池在縣西南羅口保地寬二十畝宋陵寢所在種蓮於此

小龍池在縣東趙封保玉仙山之路

黑龍池在縣東七十里玉仙山之下

老君洞在縣東南趙封保洞中有老君像

納水洞在縣東南六十里玉仙聖母祠下

羅漢洞在縣西北石窟寺迤西

避兵洞在縣西五里龍尾山下極深遠可以避兵

鞏縣志

卷之一

七

經川圖書館校刊

八角井在縣北三里石窟寺前

菡萏泉在縣南坊廓保竹林寺昔中開菡萏

羅漢泉在縣南羅漢院西南百步林壑之間舊疏渠

引水入寺

牛鼻泉在縣西南羅口保一池兩泉歲旱引水灌地

民資其利入青龍河以達於洛


石岷泉在縣東南五十里水頭村上有龍王廟

西流泉在縣西南出亂石合青龍河入於洛

馬跑泉在縣東南漢高祖屯兵於此馬渴以蹶跑地

泉水湧出故云







鞏縣志卷之二

知縣德州周泗校

生員康紹第集

官治

公署

縣治建置始於西漢至元末燬於兵

國初洪武三年縣丞張庸創建中無考至嘉靖三十一年知縣陶承祖修葺三十二年河水泛漲盡為衝塌知縣周泗重修煥然一新

正廳三間 耳房二間 架閣庫三間 幕廳三間

鞏縣志

卷之二

經川圖書館校刊

東西六房共二十二間 戒石亭一座 儀門三間 譙樓三間 獄房一間 後堂三間 東西廂房各二間 知縣廨一所 縣丞廨一所 主簿廨一所 典史廨一所 吏舍一處在縣丞廨前 申明亭在縣門西 旌善亭在縣門西 行署

察院 儀門三間 前堂五間 後堂五間

二門三間 左右廂房 三十三年創建

布政分司 儀門三間 大門三間 前堂三間

後堂五間 左右廂房



按察分司 儀門三間 二門三間 前堂三間  
後堂五間 左右廂房

府館今廢

陰陽學今廢

醫學今廢

預備倉在縣西申明亭之左

養濟院在縣東南隅

僧會司在縣南門外普安寺

道會司在縣隅崇慶觀

惠民藥局今廢

鞏縣志

卷之二

二 經川圖書館校刊

巡檢司在縣西二十五里黑石渡

洛口驛舊設縣治東街今改南門外

祿秩

知縣一員正七品月支俸米七石五斗

縣丞一員正八品月支俸米六石五斗

主簿一員正九品月支俸米五石五斗

典史一員未入流月支俸米三石

儒學

教諭一員未入流月支廩米三石

訓導二員未入流月支廩米三石



巡檢司

巡檢一員從九品月支俸米五石

洛口驛

驛丞一員未入流月支俸米三石

城池

城池一座周圍七里四十八丈高二丈五尺成化十二年知縣柯忠修築過前制正德七年流賊攻毀分巡僉事翟親督增修堅厚嘉靖三十二年大水淹沒頽圯知縣周泗重修角樓三座窩鋪墩樓三十座門五座東曰迎恩南門二一日玉川二曰望崑西曰瞻深一丈比舊益壯人多賴之

邊維至到

東南到南京陸路一千六百七十里

東北到北京陸路一千八百里

東至汜水縣四十里 南至登封縣一百二十里

保里

坊廓保三里以城內外爲名

趙封保一里以宋封茶園爲名

神堤保四里以保障神堤村爲名



石關二里以黑石渡爲名

孝義二里以田真故里爲名

羅口三里以人名

堤東一里以宋諸陵在此築堤防水爲名

原良二里以人名

蘇村四里以地名

### 坊表

登瀛坊爲舉人鄭繼宗立

昂霄坊爲舉人費顯立

冠倫坊爲舉人周道立

## 鞏縣志

### 卷之二

### 四 經川圖書館校刊

恩榮坊爲進士周道立

恩榮坊爲進士馬隆立

重光坊爲舉人劉遜立

繡衣坊爲御史張璉立今廢

凌雲坊爲舉人康紹光立

起鳳坊爲舉人趙迎立

豸繡坊爲御史馬隆立廢俱東街

觀光坊爲舉人崔遇立

光裕坊爲舉人康偉立

恩榮坊爲進士張璉立廢



鵬程坊爲京闈舉人宋鑑立

天衢坊爲舉人范浩立

鶚薦坊爲舉人竇祥立

恩榮坊爲進士竇祥立

接武坊爲舉人張銳立

登雲坊爲舉人李唐立俱南街

步月坊在神堤保爲舉人馬隆立

恩榮坊在縣南黃冶村爲進士劉登立廢

恩榮坊在縣南稍柴務爲進士趙迎立

貞節坊

鞏縣志

卷之二

五

經川圖書館校刊

一爲民常自省妻李氏立

一爲生員譚思妻張氏立

一爲吏孫繼祿妻杜氏立

一爲生員劉麟妻韓氏立

一爲生員喬政妻崔氏立

一爲生員蔡得景妻曹氏立 以上俱流賊死節

店

訾店在縣西南羅口保卽東訾城昔訾王所居因名

茶店在縣東南趙封保卽宋所封茶園故名

孝義店在縣西孝義保卽田真故里故名



鎮

芝田鎮在縣西南羅口保卽前芝田縣故名

青泥塚鎮在縣西南蘇村保

迴郭頭鎮在縣西南蘇村保

小里河鎮在縣東趙封保

東站鎮在縣東舊遞運所故名

積市

縣城內外每日一集

小里河每月十五集

芝田每月十二集

鞏縣志

卷之二

六

經川圖書館校刊

迴郭頭每月九集

青泥塚每月六集

魯莊每月六集

學治

儒學在縣治南建於西漢歷代因之元至正十一年

知縣賈允直重修元末廢於兵燹國初洪武三年縣

丞張庸創建天順五年知縣孫讓重修成化十四年

知縣榮華重建嘉靖元年知縣沈源重修嘉靖二十

一年知縣謝九敘重建兩廡戟門櫺星門嘉靖三十

二年知縣陶承祖重修明倫堂學門至是宮牆規制



始完備三十二年六月大水爲災學宮漂沒殆盡知縣周泗委付訓導冀鈍輪心効勞仍舊整飭煥然一新

明倫堂五間 卧碑一通 誠心齋三間 學倉廢

修道齋三間 儒學門一座 號房 教諭廨一

所 訓導廨二所

文廟五間 戟門三間 東西廡各十五間 櫺星門三

間

啟聖公祠三間 祭器庫一間 射圃一所廢 敬一亭

一座 社學一所廢

鞏縣志

卷之二

七

經川圖書館校刊

學田在縣東南玉仙廟地段其詳俱載修學碑陰今爲土人侵古此亦有司所當究心者也

壇壝

山川壇在縣南水門外廣七畝

壇一築 神器庫 宰牲房 門房 致齋所

社稷壇在縣西一里廣七畝

壇一築 神器庫 宰牲房 門房 致齋所

風雲雷雨壇共祭山川壇

邑厲壇在縣北五十餘步廣五畝

壇一築 宰牲房



里社壇每里各一所

職官

唐知縣

白鏗太原人見名宦 牛承直貫無考

宋范祖述見名宦

元王翔字飛卿見名宦 高世英字漢舉見名宦 賈

允直貫無考至正十一年重修廟學事載碑陰

張瓚中山人 王裕 李茂 梁仲郁 以上三人

貫無考

國朝

鞏縣志

卷之二

八

經川圖書館校刊

劉安湖廣瀏陽人歲貢見名宦

孫讓陝西華州人見名宦

程孝陝西隆德人歲貢

杜宗陝西醴泉人歲貢

牛孺直隸廬州人歲貢

費昌直隸阜城人歲貢

江通直隸順德人歲貢

張紳山東商河人舉人

王徽直隸丹陽人歲貢

靳能山東莘縣人歲貢



劉欽浙江慶雲人舉人

柯忠直隸安慶人見名宦

榮華陝西藍田人見名宦

崔進山西蒲州人歲貢

任義山西平遙人舉人見名宦

楊昇湖廣黃陂人歲貢

王璇直隸長垣人進士弘治元年任優於學問而持  
守不足

張淮山東鉅野人舉人弘治五年任

戴玉山東茌平人舉人弘治十一年任

鞏縣志

卷之二

九

經川圖書館校刊

劉樹山東章丘人舉人弘治十三年任事無壅滯而  
下民欠處以此失官

薛珣陝西華州人舉人弘治十五年任

高賢直隸開州人舉人弘治十七年任廉靜寡欲性  
尙儉素人稱菜知縣

子寬陝西咸寧人舉人正德元年任蒞事剛果理劇  
裕如惟欠持守憂去

楊弘四川岳池人舉人正德三年任政不足而學有  
餘因城陷而赴部改官

朱勝山東恩縣人舉人正德十一年任廉敏



至長史

郭士奇山西臨晉人舉人正德十五年任猛以濟貪刑及無辜以此去官

沈源陝西西安衛人舉人見名宦

王瀚陝西儀衛司人舉人見名宦

呂璋陝西白水人尅薄無情取民脂膏愛妾橫行凶子無忌被許去官民爲痛快

李河山東金鄉人舉人嘉靖七年任見名宦

胡璉直隸趙州人舉人嘉靖十一年任

周德湖廣宜城人歲貢嘉靖十九年任

鞏縣志

卷之二

十 經川圖書館校刊

魯惟孝直隸獻縣人例貢嘉靖十九年任

謝九敘山東章邱人舉人嘉靖二十一年任

胡金山東堂邑人歲貢嘉靖二十三年任

曾朴湖廣石首人舉人嘉靖二十六年任

孫思孝陝西洮州衛人歲貢嘉靖二十八年任

陶承祖直隸天長人選貢嘉靖三十年任

周泗字孔源山東德州衛人舉人嘉靖三十二年任

見名宦

縣丞

張庸見名宦



華胥碭山人歲貢永樂七年開渠導水民得免患

劉璟山東歷城人歲貢見名宦

劉清山東鄒城人歲貢

崔綸山東德州人歲貢

馬玘直隸通州人歲貢

孫芳山西襄陽人歲貢敦重持禮謹祭祀尙節儉人  
思慕之

王春雷山西大同人歲貢

薛九皋山西鎮虜衛人歲貢

陳天祿山西長子人歲貢剛直不惑期年退休人皆

鞏縣志

卷之二

十一經川圖書館校刊

榮之 以上志可取者

主簿

宋衡山東章邱人歲貢

張祿山東長清人歲貢

宋奇直隸清河人歲貢

張表山東嶧縣人歲貢

崔道寧直隸內黃人歲貢

李思義山東霑化人例貢嘉靖二十二年任居官廉

靜門無私謁委署永寧政尤丕著士民愛戴至今慕  
之



高永富山東萊蕪人例貢嘉靖二十六年任  
夏暉直隸保安州人歲貢嘉靖三十一年任 以上  
志可取者

典史

張泗山陽人 劉賢開州人 彭道全椒人

霍宗儒陝西綏德州人

教諭

孫學鄆城人舉人弘治三年任教規整肅明經誨人  
至今思之

王豪山東高唐人見名宦

鞏縣志

卷之二

三

經川圖書館校刊

俞熊永平人歲貢不干有司不注生員行檢立心正  
大人敬之

葉保陝西蘭州人舉人嘉靖十一年任持身嚴整陞  
至長史

朱哀湖廣鄖西人舉人嘉靖十七年任慎於持身教  
人陞至同知

趙鏗山東濰縣人舉人嘉靖二十年任知人慷慨陞  
知縣

楊觀四川豐都人歲貢學精性正士範民服

訓導



張稷山西樂平人歲貢正德十年任朔建書院勤於教人陞學正

陳鏡承天府人歲貢勤於講授心田坦易嘉靖八年任陞知縣

王詔四川巴州人歲貢嘉靖十四年任

趙國用直隸臨城人歲貢嘉靖二十一年任心純誨切至今式之

冀純山東益都人歲貢性孝行純人化其德修學功績碑以紀之

李進卿山東曲阜人歲貢有猷有為公館落成多所

鞏縣志

卷之二

三 經川圖書館校刊

建立 以上俱德政可採者

巡檢 史傑 李花

驛丞 任鐸 黃宗儒 蕭卿 田九齡

陰陽訓術 豆克勤 劉朝 曹耕 張珠

醫學訓科 張瑄 劉繼美 康諧 劉啟光

僧會 定會 證來 記護 證因 道科 圓祿

道會 王嵩陽 記 李德會 邵通一 以上俱稱

職者



鞏縣志卷之三

知縣德州周泗校

生員康紹第集

土產

穀之屬

黍 稷 稻 粱 粟 麻 菽 麥 蕎 麥 秫

麩 稗 豆 六種 玉 麥

蔬之屬

蔥 韭 山 韭 蒜 蔓 菁 白 菜 芥 菜 高 苣

苜 蓿 蕨 薇 薺 蒼 蓬 蘿 蔔 茄 子 黃 瓜

鞏縣志

卷之三

一 經川圖書館校刊

菜 瓜 甜 瓜 絲 瓜 葫 蘆 紅 蘿 蔔 藤 花

芹 紅 椿 黃 棟

果之屬

柿 棗 梨 杏 石 榴 核 桃 西 瓜 木 瓜

櫻 桃 羊 棗 李 梅 葡 萄

木之屬

松 柏 桑 柘 楊 柳 槐 榆 桐 楸

栗 竹 楮 桂 檜 棟 椿 黃 楝 榎

花之屬

蜀 葵 牡 丹 芍 藥 玉 簪 六 月 菊 菊 雞 冠



山丹 蘭 次梅 木槿 石竹 薔薇 金銀  
花 萱草 芭蕉 金蓮

泉

絲 綵麻 絲綿 布絹 綾 綉 火麻

藥

木通 芍藥 防風 遠志 半夏 蓮翹 地黃  
杏仁 青木香 枸杞 香附子 天門冬 葛  
根 米殼 甘草 柴胡 前胡 益母 羌蔚子  
芫花 車前子

獸

狼 兔 狐 豹 獐 獾 猴

禽

鶯 鶻 鳩 雉 雁 雞 雀 鵲 鶉 鴉 烏  
鵲 鴿 鴿 鵲 野鴨

鱗

鯉 鯽 鮎 鱧 鱔 鱉 鰻 黃鮎

蟲 味

蛙 蟋蟀 蜜蜂

畜

馬 驢 騾 牛 羊 犬 豕 貓



戶口

洪武二十四年

戶三千一百二十四

口二萬七百三十

永樂十年

戶三千一百九十八

口二萬四千三十三

嘉靖二十六年

戶四千六十六

口四萬三千九百一十三

鞏縣志

卷之三

三 經川圖書館校刊

田賦

洪武二十四年

官民田地二千三百一十頃三十八畝

夏稅地七百一十三頃五十七畝四分

麥三千八百九十九石九斗八升三合五勺

絲二千二百三十二兩九分

秋糧田地一千五百九十八頃八十畝六分

米一萬七千二百一十石五斗七升四合二勺

永樂十年

起科



官民田地二千三百八頃八十三畝二分

夏稅地七百一十三頃五十畝八分

麥二千九百四十四石二斗七升五合一勺

絲二千二百八十五兩九錢六分

秋糧田地一千五百九十六頃三十二畝四分

米一萬七千二百四十二石一斗九升六勺

不起科

民地六百八十四頃五十二畝四分四釐

農桑

官民桑棗四萬八千九百七株

鞏縣志

卷之三

四 經川圖書館校刊

桑三萬五千九百六株

絲綿一千一百八十六兩八錢七分八釐

棗一萬二千九百四十一株

易米五百八十二石三斗四升三合

永樂十年

起科官民桑棗四萬九千五十株

桑三萬六千二十七株

絲綿一千二百一十一兩一釐

棗一萬三千二十三株

易米五百九十八石九斗五升



不起科

民桑棗三十七萬九千三百五十一株

桑三十六萬三千五百八株

棗一十一萬八百株

柿五千四十三株

課程

本縣帶稅辦酒米等項課鈔四百一十八錠四貫四百九十八文

嘉靖二十六年

戶四千六十六戶

鞏縣志

卷之三

五經川圖書館校刊

口四萬三千九百一十三口

土貢

歲辦鹿五隻

雁五隻折胖襖

雜草二百二十四張

雜色翎毛七千五百六十六枝

歲辦胖襖袴鞋本色四十五付

課程鈔四千三百二十六貫

藥味

木通三十斤折銀四兩



濶布

一千三十七疋

荒政

預備倉四座一在縣三在鄉俱廢

惠政

養濟院在縣東南

惠民藥局在縣東街今廢

漏澤院在縣西一十舖對岸

武備

演武亭在縣東一里許民壯一百六十名

鞏縣志

卷之三

六

經川圖書館校刊

巡檢司弓兵三十名

北征民兵四十名

保甲兵□□□名



鞏縣志卷之四

知縣德州周泗校

生員康紹第集

古蹟

鞏王城在縣西二十五里孝義保周惠公封少子班於鞏卽其處也城址祠堂尙在

洛口倉在縣東北坊廓保昔隋煬帝置倉聚粟於此地穿三千餘窖

曹皇后窀在縣西南原良保宋皇后曹氏幼產於此因名

鞏縣志

卷之四

一 經川圖書館校刊

李密窀在縣南黃冶村密幼生於此窀址尙在

義狗塚在縣西南羅口保傳云昔有人捧狗過此酒醉卧地不醒時忽野火四面延燒東二里有河狗因往溼身展草滅火其人免患及醒狗因走疲而死因其勞築塚葬焉

鄴城在縣西南羅口保昔禹封夏伯後太康居后羿亦居之桀都爲城廢趾存焉

八景

天塹洪流

金山落照



黑石歸帆

石窟晚鐘

市橋煙柳

邛山積雪

竹林古寺

玉仙流泉

故城

青城在縣東南一里許建置不知何時今廢趾存

柴城在縣南五里宋時建今廢趾存

封子城在縣東二十五里趙封保時歲莫考今廢

鞏縣志

卷之四

二 經川圖書館校刊

趙城在縣西南七十里原良保宋時建今廢

故縣

永安縣在縣西南羅口保宋時建今廢

芝田縣卽永安縣後改名

閘壩

洛水自偃師以入鞏境繞西而北近五十餘里洛之兩岸先曾開渠設閘疏通灌稻民獲利益惜乎久廢但上無倡導之官下無力農之民賢有司亦當注意

科目

國朝



洪武年間

戊辰進士

魏敏任至通政

丁丑進士

趙玉任知縣至御史

庚辰進士

趙斗南任大理寺丞

癸丑科舉人

馬麟任都給事中至通政

丙子科舉人

鞏縣志

卷之四

三

經川圖書館校

陳鐸仕至教諭

劉忠任訓導陞知縣

周易任訓導

永樂年間

甲申進士

劉登任至參議見人物

戊子科舉人

杜矩任推官 李子方任經歷 何淵任縣丞

馬肆

甲午科舉人



孟英 何清任知縣

丁酉科舉人

張璉任訓導 劉肅 張師智任同知

庚子科舉人

蘇暢任知縣

癸卯科

王麟任訓導 張珪任主事 李和任訓導

張師文任訓導

天順年間

己丑進士

鞏縣志

卷之四

四 經川圖書館校刊

馬隆任知縣至副使

己卯科舉人

王章任通判

李莊任教諭

壬午科舉人

費顯任朝邑縣知縣

李唐克苦窮經學問博淡致疾早沒鄉人憐卹

成化年間

辛丑進士

竇祥任知縣至御史



戊子科舉人

康偉任知縣至知州

戊辰進士

張璉任知縣至副使

庚子科京闈舉人

宋鑑任知縣至通判

辛卯科舉人

范浩穎敏博學少有大志未伸而終士類仰服

弘治年間

丙辰科進士

鞏縣志

卷之四

五

經川圖書館校刊

周道任知縣

壬子科舉人

劉遜任吏部司務見人物

張銳任知縣

辛酉科舉人

崔遇任審理性質聰敏長於舉業三試春闈名魁乙榜膺疾而任前職有甲科之才而命止於是可勝惜哉

鄭繼宗任知縣

嘉靖年間



丙戌進士

趙迎任主事至僉事

乙酉科舉人

唐紹光任知縣

洪武年間

歲貢

劉希任主何知

朱能任教諭

馬祥任評事陞僉事

曲能任御史陞副使

鞏縣志

卷之四

六

經川圖書館校刊

馬伯馴任縣丞

李仲仁任知事

張安任知縣

劉彬任知縣

魏得中任知事

馬彥文任縣丞

陳騫

李堅任主事陞知府

賈昭任縣丞

杜旌



永禎任知州

邳郁任光祿寺署正

劉愷

鍾恕任給事中

郭泰

孫敬先

李敏

周儼任中城兵馬指揮賜五品服因註誤右遷潯州府推官廉明剛正陞知州因地煙瘴致仕而歸

貴之祖

鞏縣志

卷之四

七

經川圖書館校刊

費得中任典簿

李端任訓導

丁銘任經歷

曹祥任知縣

楊忠任訓導

趙材任經歷

費廉顯之父

李青任知縣

牛綱任縣丞

桑春任經歷



宋寧

李俊任知縣

常安

蕭鳳

劉祥任主簿

張綱任知縣

劉敏任典簿

桑林任主簿

高讓

孫興

鞏縣志

卷之四

八 經川圖書館校刊

李銳俱任大使

周貴任訓導道之父

李傑任縣丞

張杞任訓導

李侃任主簿有治事之才有卹民之仁

張纓任主簿

趙聰任主簿

何寶

劉通

許成



翟安

馬良任吏目

劉銳丰姿俊雅

曹瑾任知縣歷九年有惠政民思之

高騰鳳

孟溱任訓導

李淳任新泰縣丞

李鎡

趙璠任慶陽府推官爲人剛正歷任廉明不悅於小人挂冠而歸當時以清白吏稱迎之父也

鞏縣志

卷之四

九 經川圖書館校刊

王咨相任襄陽府推官志尙清潔優於折獄卒於官歸無費貲來問之父壽昌之祖也

李俊

常鑑

李義任主簿

賈士俊任知縣

校玩任冠縣丞慈惠下民人稱校佛

王來問任橐城知縣

白棠任縣丞

薛欽任經歷



竇章祥之弟

董聰

費汝弼任訓導

孫孝

杜森任州判簡靜蒞民守己剛介與僚友議論不合致仕而歸所得俸金不遺子孫日與朋友徜徉尋以

壽終

王惟精任照磨至主簿

蕭哲任審理

李森

鞏縣志

卷之四

十

經川圖書館校刊

王惟一任推官有治事之才無苛刻之政歷九年以老歸休兄弟更相友愛俱以壽終皆章之子也

趙卿任訓導

蘇志任訓導

孟紹祖正直方剛

李定任訓導至教諭

張朝用任吏目

李寅任訓導至教諭定之弟

劉廉任經歷

張鈿任訓導



張臻

竇嗣完任經歷祥之孫

王壽昌任德平主簿

趙道任訓導

趙文奎學精壽短人惜之

董輔任訓導

唐世臣任訓導

李繼先

姚紀任訓導

鄧器任訓導

鞏縣志

卷之四

十一

經川圖書館校刊

韓萬里

例貢

李鷹任縣丞

趙齡

竇克昌任州判

康齡偉之子

李復光任主簿寬厚之性賢愚協敬調卹之仁親疏  
共沐壽及耄耋德一始終迺子及孫耕讀俱著芳名  
者也

李復啟任序班正大得於天賦剛方著於朝端信哉



烈丈夫也光之弟

曹鏗任檢校明法律善決獄當道安用無不允服歷九載當陞無心仕進致政歸田

費府

趙馴任主簿

康紹先任主簿至縣丞偉之孫

趙一魁任照磨

崔登

趙一漸任經歷

杜德信任序班

鞏縣志

卷之四

三 經川圖書館校刊

王壽福王壽增俱來問子。

曹志賢鏗之子

趙鳳梧趙鳳桐趙鳳至俱迎之子

杜枝

趙守忠

趙守乾

趙至公

譚堯俞

路鯤

馬永清



趙至善

李璨

復啟孫

祠祀

城隍廟在縣治南街嘉靖七年鄉民張良臣李裴改修三十二年李節樂因廟簷前空露自捐己財重建卷棚三十三年監生譚堯俞張時亨創建兩廊二十四間大門一座鐘鼓樓各一座

土地祠在縣二門東傍

獄神祠在監垣內

鞏縣志

卷之四

三 經川圖書館校刊

馬神廟在縣二門內

八蜡廟在縣南關外

鄉賢祠在玉川門裏今改爲洛口驛

杜工部祠在孝義里今廢

陵墓

永安陵在縣西南堤東保宋太祖父宣祖昭皇帝所葬北有明憲杜太后陵

永昌陵在縣西南南宋太祖所葬西有明孝皇后王氏洎孝章皇后宋氏葬

永熙陵在縣西南堤東保宋太宗皇帝洎明德皇后



李氏葬在太祖陵西一里許

永定陵在蔡家莊宋真宗皇帝洎莊惠皇后楊氏所葬在太祖陵北十里許

永昭陵在縣西南孝義保宋仁宗皇帝洎慈聖光憲皇后唐氏所葬在永定陵西北五里許

永厚陵在縣西南孝義保宋英宗皇帝洎宣仁聖烈皇后高氏所葬在陵西一里許

永裕陵在縣西南堤東保宋神宗皇帝洎靖和皇后王氏所葬在昭陵西三里許

永泰陵在縣西南堤東保宋哲宗皇帝洎昭懷皇后劉氏所葬在宋太祖西三里許

永佑陵在縣西南宋徽宗虜去同欽宗梓宮奉還行在葬於此永憲陵宋欽宗陵事同徽宗

遂國公墓在縣西南羅口保宋太宗之孫諡昭裕公高密侯墓在縣西南羅口保宋太宗皇帝之曾孫

武當侯墓在縣西南羅口保舒國公惟忠之孫清河侯張恩墓在縣西南坊廓保解梁人先任嵩州安撫使后尹是邑沒於此因葬焉

高懷德墓在縣西南羅口保

田真墓在縣西孝義保昔三田泣紫荆樹三塚尙在



曹彬墓在縣西南孝義保

杜工部墓在縣西南孝義保

包拯墓在縣西南孝義保

寇萊公墓在縣西南孝義保至今地名寇家灣

簿仲深墓在趙封保元任陳州知州碑記尙在

簿七墓元任隆陽州知州地名同前

### 寺觀

普安寺在縣南關洪武年間僧會圓融剏修僧了喜繼葺卽僧會司

竹林寺在縣東南坊廓保貞祐三年僧游清剏立洪

## 鞏縣志

### 卷之四

五

經川圖書館校刊

武十六年靜喜重修弘治年間僧沆可來重修嘉靖年間明通復葺

福昌寺在縣東趙封保宋元豐二年建

大悲寺在縣西南羅口保洪武十六年建

寧神寺在縣西南蘇村保

景雲寺在縣西南羅口保

白雲寺在縣西南蘇村保開皇元年建

淨土寺在縣西北石關保後魏宣帝景明間建築石爲窟石佛像若干遺蹟猶存俗號石窟寺

嵩峯寺在縣西原良保



清涼寺在縣西南蘇村保

石巖寺在縣西南羅口保今廢

昭陵寺在縣西孝義保宋葬昭陵皇后建今廢

慈雲寺在縣西南羅口保至正元年建

聖壽寺在縣西孝義保

興隆寺在縣西南蘇村保迺郭鎮

羅漢院在縣西南隄東保宋大聖五年奉勅建

菩提寺在縣南羅口保

平定寺在縣西南羅口保

崇慶觀在縣內南隅洪武十五年建卽道會司相繼

鞏縣志

卷之四

十六 經川圖書館校刊

修葺有碑記

玉晨觀在縣西南羅口保至治元年建

廟

關王廟二一在縣治西巷至正年建一在東關外嘉

靖二十九年典史馬嵩初建

二郎廟在城北洪武年間建

觀音堂三一在縣前旌善亭之左二在東街西南隅

三在南關外

湯王廟在縣北三里

金龍四大王廟在神堤保邨山之首



府君廟在縣東二里東跣鎮

玄帝廟在縣南嘉靖二十五年立

牛王廟二一在縣治南一在縣治西

鞏王廟在縣治西孝義保

郭汾陽廟在縣治南羅口保

五嶽廟在縣治南堤東保監生費府整飭煥備

玉仙聖母廟在趙封保

關王廟在芝田嘉靖癸丑耆老杜德仁揚天福李教

鳳全修

盧醫廟在縣東二里四月初八大會

鞏縣志

卷之四

七 經川圖書館校刊

宮室

玉川門縣治大南門

瞻洛門縣治西門

水門縣治小東門

迎恩門縣治東門

育賢坊在儒學西

遵化坊在東街

興教坊在南街

名宦

知縣



唐白鏗太原人知鞏縣居易之父也

宋范祖述鞏縣令開南山導水入洛因以免患

元王翺字飛卿彰德人知鞏縣有政聲去官民爲立德政碑

高世英字漢舉山東樂安人剛正廉幹載修學廟碑記

國朝

劉安湖廣瀏陽人歲貢永樂四年任立心公正爲政寬仁勸農興學諭民以禮以憂去民遮道送之

孫讓陝西華州人歲貢天順五年任平易近民優禮

鞏縣志

卷之四

友

經川圖書館校刊

士類重修廟學知府虞廷璽撰碑記

柯忠直隸安慶人進士成化十三年任踰年百廢俱舉增建廟學撤舊節新規模宏大視倍蓰矣都御史畢亨撰記欽取赴京陞江西道監察御史

榮華字恭實陝西藍田人進士成化十八年任剛明果斷吏畏民懷黃河水泛廟學傾圮重加修建事載碑記調嵩縣欽取赴京陞山東道監察御史

任義山西平遙人舉人成化二十一年任多善政及人民皆懷之翰林庶吉士許天錫撰遺愛碑記

沈源陝西西安衛人舉人嘉靖元年任持身廉謹處



事調停士民悅服重修廟學行人黎良譔碑記

王翰陝西儀衛司人嘉靖四年任志節廉靜遇事風  
生才敏果斷慈愛下民卒於官士民哀之至今思慕  
李河山東金鄉人舉人嘉靖六年任篤實寬厚惠愛  
黎元時遇荒年剛以禦暴民賴以安至今思之

周泗字孔源山東德州衛人舉人嘉靖三十二年任  
誠心實政敬士卹民創制邑志學以成其治遇災憂  
勞民以賴其安

縣丞

張庸建立之功居多貫無考

鞏縣志

卷之四

五

經川圖書館校刊

劉璟山東歷城人歲貢政專養民民多思之郎中薛  
蕙譔遺愛碑記

教諭

王豪山東高堂州人歲貢正德十三年任性稟廉介  
易學得蔡虛齋傳訓誨諸生字字不苟養素自重不  
干有司以禮告休諸生至今式而不忘



鞏縣志卷之五

知縣德州周泗校

生員康紹第集

帝王附后妃

按宋史符彥卿傳陳州人與鞏無干

符氏宋符彥卿女一為周世宗后一為宋太宗后今有祖塋石儀衛存在縣西二十五里孝義保

康氏孝義保知州康偉女丰姿異常配伊府西鄂鎮國將軍封夫人

人物

漢

鞏縣志

卷之五

一 經川圖書館校刊

尹勳字伯元鞏人家世衣冠伯父睦為司徒兄頌為太尉宗族多居貴位惟勳獨持清操不以勢位尚人州郡連辟舉孝廉三遷邯鄲令有異政後舉高才五遷尚書及桓帝誅梁冀勳參建大謀封都鄉侯遷汝南太守土書解救范滂等禁錮尋拜將作大匠轉大司農既因竇武等事下獄自殺

後魏

張宗之字益本鞏人以忠厚勤慎擢為郎中贈爵鞏縣侯歷儀曹庫部二曹尚書領中書祕書進爵彭城公後降烈侯終冀州刺史卒贈懷州刺史諡曰敬



唐

劉濟字允濟少孤事親孝善文詞舉進士累官遷著作郎兼直弘文館武后明堂成奏賦述功德黜著作郎後修國史爲修文館學士

元

張恩其先解州人金安中衛嵩州安撫使來尹是邑因家焉後以孫教貴贈嘉議大夫禮部尙書追封清河郡侯

張思敬恩之子中統四年代父爲令後尋陞宣武將軍同知揚州路總管府事

鞏縣志

卷之五

二 經川圖書館校刊

張思忠仕嵩州司鹽事贈中奉大夫河南江北等行中書省參知政事追封清河郡公

張毅字彥弘恩之孫爲績溪尹至正間贈推誠翊正贊理功臣奉政大夫河南江北等處行中書省參知政事護軍追封梁郡公諡曰忠肅

張惟敏字孟功太定間以儒官補集賢院掾史後累陞宣命推誠贊治保德功臣資德大夫河南江北等處行中書省參知政事上護軍追封梁郡公諡曰文定

傅公弼至元四年由秀才任陝西道監察御史



張鸞旗爲中書侍郎東宮庶子兼宿衛給事加寧遠將軍贈爵洛陽伯男贈洛州刺史

張偉爲豫州征西長史

張惟賢修撰集賢直學士

張惟權中奉大夫集賢侍講學士

張惟勤河南行省左右司郎中

張禎中書省左司員外郎

張祿浙江布政司參政

張璲承侍郎集賢院都事

張珏刑部主事

鞏縣志

卷之五

三經川圖書館校刊

張圭刑部主事

張師德亞中大夫祕書監丞

盧亞芝田縣人其先永安縣產芝生亞狀元及第改

縣芝田

芝田永安俱鞏地

國朝

張文舉少飭行檢才器卓越通經史能文章洪武二十年以賢士舉任山西右參政

馬祥洪武二十四年以生員任湖廣武康縣典史陞大理寺右評事轉山西按察司僉事

張祺博覽經史通法律性敦厚端確洪武二十八年



以才幹授參政

劉醇德性溫雅博通經史工於詞賦洪武二十八年  
保任教諭

康寧以才德舉任至監察御史

劉登字升高天資峭直立志不凡由進士任行人奉  
使四方不辱君命陞戶部員外郎爲苗夷不靖奉命  
持節鎮守交趾以代尙書黃公福威鎮南夷苗蠻率  
服陞山西參議總督糧儲自陳致仕壽九十二而卒  
馬隆字世昌神堤保人由進士氣稟清粹博通經史  
天性孝友不修邊幅出使於晉聞父喪卽日奔訃始

鞏縣志

卷之五

四 經川圖書館校刊

任柯盧知縣時頑惡怙勢欺公公悉繩之以法不避  
豪貴由是咸服行取御史奉勅巡視直隸按遼東功  
績咸著封親旌勞陞山西僉事因禽白蓮王良等轉  
本司副使守制起服除湖廣前職以從洛陽劉文靖  
學伊洛之學推舉提學化導生徒樂就模範因進聖  
表乞恩致仕杜門不出壽九十二卒於家

竇祥字文瑞蘇村保人少讀書務求聖賢宵旰早以  
書經領成化鄉薦登辛丑進士初任安邑知縣三年  
政成化行民懷吏畏奇績丕著欽取授貴州道御史  
遇事敢言及巡察陝西詿誤而歸杜門教子親喪不



事佛屠友弟任其所取鄉邦感化

劉遜登之孫字與謙由舉人初授兵部司務以廉勤著名檢調吏部丁外艱服闋授都察院司務仍調吏部守官惟謹蒞事克勤接物有文檢身無玷卒於官  
康紹光字一誠號印山孝義保人秀才時流賊圍城時父在城沈醉負父逃難行十里吐血數升又負十里父方醒後不成疾人以為孝心之感中嘉靖乙酉舉人時上官差吏來縣買煤炭甚為民苦乃具呈撫按言極剛直兩院嘉其正大即行二司制之民獲蘇息之利及任昌黎知縣禮士愛民制強扶弱期年而當道薦之者三皆曰恩威兼舉軍民咸服值奸臣胡守忠索賄不遂飄然歸家耕養二親課弟讀書以正而終

### 流寓

馬宣山東章丘人洪武年間以給事中謫洛口驛丞遂占籍焉

吳謙江西袁州府萬宰縣人由舉人永樂十一年任儒學教諭歷十二載告休致仕占籍於鞏博學善詩文

楊惠陝西南鄭縣人由監生任本縣主簿官滿遂寄



籍也

田和陝西平涼府崇信縣人由舉人永樂任本縣教諭占籍於鞏素性剛正崇尙節義爲鄉表正晚節尤奇以壽而終

孝義

隋

田真兄弟季曰廣仲曰慶皆同財業及各娶妻諸婦遂求分異堂前有紫荆一株甚茂兄弟共議破而爲三株忽一夕樹卽枯死真見之驚謂其弟曰木本同株當分根便憔悴況人兄弟孔懷而可離是人不如樹木也兄弟相感而更合諸婦聞之後無閒言莊基俱存

鞏縣志

卷之五

六

經川圖書館校刊

魏敏字好學登洪武戊辰進士任吏科都給事中聞母喪訃音卽就道及入境匍匐徑至墓所廬於側三年哀毀骨立洪武二十六年有司上其事奉旨旌表其門一統志載天下人物第一

李寅廩膳生正德元年遭母喪廬墓側三年哀痛無間後墓樹有白鶴來棲之感有司上其事奉旨旌表其門嘉靖三年父喪仍廬墓三年分巡僉事章商臣親禮其廬後充貢士至衡水縣教諭卒於官



曹清原良保人正德十年居繼母喪廬墓三年知縣郭士奇以禮獎旌

張紀原良保人嘉靖二十三年居母喪廬墓三年知縣曾朴以禮獎旌

崔良臣崔儒臣崔愚臣孝義保民天順間兄弟捐粟千石振濟貧乏有司奏請上命立碑以旌其義

張賢坊廓保人成化二十年捐粟振貧知縣榮華獎其義

馬玘神堤保人捐財砌市河石梁二空本府旌獎其義

鞏縣志

卷之五

七 經川圖書館校刊

張良臣元忠肅公之裔樂義忘利因時艱焚貸券數百兩永不索取捐已銀粟砌縣東七里水溝石橋一空又嘗修葺廟宇寺觀鄉人以義善稱

譚寶孝義保人篤實寬厚利人濟物宗族鄉間有婚喪不能舉者賙卹懇至又立義塚以瘞客旅捐已財以砌石梁厥子監生堯俞善繼其志建城隍廟祠兩廊大門鐘樓且居父喪三年止食蔬素人以孝義稱之

白道字君由石關保人篤實謙恭濟貧憐苦施棺捐粟各數百以調艱食乏葬者人咸敬之公舉鄉宴老



年德愈高奇

路科字士登原良保人父疾彌久敬事益篤能友愛諸弟敬重儒業公舉鄉宴人悉重之

張良器字孟周重義輕利捐己財建關王廟鄉人咸重之

節婦

李氏民常自省妻

曹氏生員蔡得景妻

張氏生員譚思妻

氏民張崇霄妻

鞏縣志

卷之五

八 鞏川圖書館校刊

韓氏生員劉麟妻

杜氏邑吏孫繼祿妻

崔氏生員喬政妻 七氏俱死節流賊行實多而不錄

趙氏邑人曹瑾妻幼歸瑾勤織衽供瑾讀書後瑾業成均官任知縣瑾故氏年三十二孀居四十六年貞靜儉慎邑人景仰

李氏太原人知州康偉繼室因偉官太原娶之及歸鞏偉故氏年二十有奇撫教歲孤兒既鮮內親之助又當家事之煩氏能教子成終以德行聞又凌氏與



氏同郡偉男名年娶之年亡氏亦幼撫男紹禹其貞操成立與氏同難姑難婦邑人式重

孫氏生員李穩妻夫早亡氏年二十又值家貧撫周歲孤兒以織衽爲業人罕見其面後男崇儒卒能成立又二孫亦克篤實人亦爲氏苦節之致至今八十人悉敬之



鞏縣志卷之六

知縣德州周泗校

生員康紹第集

甄文

奉

天承運

皇帝勅曰旌獎賢勞乃朝廷之著典顯揚先德亦人子之至情茲惟禮典之常豈有幽明之間爾康俊乃山西布政使司經歷司經歷偉之父詩禮傳家丘園養素居鄉樂善夙敦仁厚之風教子成名久著勤勞之績祿養旣違於三釜褒封宜貫乎九原茲特贈爲儒林郎經歷尙期神爽之昭宜迓寵靈之至

鞏縣志

卷之六

一 經川圖書館校刊

勅曰孝子愛親之心每切於旣歿朝廷推恩之典無閒於生存故凡得綸絲之褒亦可紓風木之感爾張氏乃山西布政使司經歷司經歷偉之母性本慈良行惟勤儉相夫治內賢聲著於族嫻教子居官嘉績成於藩幕宜舉推恩之典用伸報德之情茲特贈爲安人渙號是承幽明永慰

奉

天承運



皇帝勅曰國家設藩司以統一方之□□□□□□  
若簡而實煩任若輕而亦重既書考最宜褒封爾山  
西布政使司經歷司經歷康偉擢秀一方歷官三縣  
久著親民之績遂陞入幕之僚綜理詳明文移不忒  
操持清慎行檢克修歷歲既深課功居最爰稽彝典  
用是褒嘉茲特進爾階儒林郎錫之勅命於戲朝廷  
懸爵祿以待士用徵名績之成人臣竭勤勞以奉公  
無替初終之節勉遵彝訓以俟超陞欽哉

勅曰人臣有勞於國朝廷必寵其家肆惟伉儷之□亦  
被褒封之命典章具在存歿攸資爾山西布政使司

鞏縣志

卷之六

一 經川圖書館校刊

經歷司經歷偉妻劉氏出自華族嬪於儒門禮義相  
承方著宜家之美琴瑟中節竟違借老之心宜媿夫  
階以伸卹命茲特贈爲安人懿靈如在茂渥其承  
勅曰婦職主於饋祀名不可虛君寵重於褒封禮不可  
廢此國家之定制實閨閣之重榮爾山西布政使司  
經歷司經歷偉繼室石氏稟質柔嘉持身謹飭夙遵  
姆訓繼配儒流并日勤勞雖未躬於家室蘋蘩孝敬  
亦克效於宗枋宜錫褒章以旌內助茲特封爲安人  
尙其祇奉益迓寵光

奉



天承運

皇帝勅曰人子之孝莫大於顯親朝廷之恩莫重於褒善此古今之通制豈存歿之殊科爾宋忠乃陝西涇陽縣知縣鑑之父蹟晦丘園家傳詩禮篤生令子久著勤勞既達祿養之榮宜示褒崇之命茲特贈爲文林郎陝西西安府涇陽縣知縣尙期補爽宜迓寵光勅曰母德之成義實兼於教育國恩之錫禮特重於褒封肆緣報德之情誕示追崇之命爾孟氏乃陝西西安府涇陽縣知縣鑑之母生有懿質嬪於名門相夫敦勤儉之風教子著賢勞之績祿養既違於三釜褒章宜貫於九原茲特贈爾爲孺人歆服寵命永昭冥漠

奉

天承運

皇帝勅曰郡縣親民之政非久不成朝廷錫命之恩推賢是予顧典章之俱在實激勸之所關爾陝西西安府涇陽縣知縣宋鑑起自鄉科出司民社愛下式勞於撫字持身克篤於慎勤歷歲既深課功斯最爰稽大典庸示褒恩茲特進爾文林郎錫之勅命於戲治民先於獲上已茲文績之良善始貴乎保終庶竭猷



爲之益訓詞俱在尙克祇承欽哉

勅曰臣有事君之忠妻有從夫之義故錄賢勞於國必推寵命於家存歿雖殊恩典則一爾陝西西安府涇陽縣知縣鑑之妻楊氏孀於儒流方資內助之勞遽違借老之願爰因夫貴用示國恩茲特贈爲孺人靈爽有知歆承無斁

勅曰室當有繼式陳饋祀之儀恩貴乎均庸及褒封之命茲惟典禮實體恆情爾陝西西安府涇陽縣知縣鑑繼室劉氏夙遵姆訓繼配儒流未躬荆布之勞亦效蘋蘩之職夫偕旣陟恩典宜頒茲特贈爲孺人服

鞏縣志

卷之六

四 經川圖書館校刊

此嘉名益敦祇慎

奉

天承運

皇帝勅曰朕惟爲人臣者孰不欲顯揚其親故朝廷於人臣效職者必推恩以報之所以遂其顯揚之心而勸天下之爲孝者也爾馬忠乃湖廣道監察御史隆之父善積厥躬訓成令子推原其本恩典宜頒茲特封爾爲文林郎湖廣道監察御史服此隆恩益綿壽祉勅曰孝子之愛親者靡有存亡之間故朝廷推恩臣下必及其親者所以體其心而重大倫也爾張氏乃湖



廣道監察御史馬隆之母善著閨門訓成令子推恩  
所自卹典宜殞茲特贈孺人九原有知服此寵命  
奉

天承運

皇帝勅曰朝廷設監察御史欲其振紀綱勵風俗以彌  
成國家之治者也非廉慎明敏之士不輕畀焉爾湖  
廣道監察御史馬隆發自賢科屢更縣令克勤撫字  
茂著聲稱迨進今官振揚風紀宜錫寵恩以旌勞勩  
用是進爾階文林郎錫之勅命以爲爾榮夫官以察  
爲明以言爲責是故畧細故而存大體扶君子而抑

鞏縣志

卷之六

五

經川圖書館校刊

小人爾尙宜正乃心益潔乃行毋私於法毋撓於勢  
毋訐以爲直毋苛以爲能夙夜懋修用昭寵命欽哉  
勅曰夫婦人之之大倫朝廷推恩臣下命必及之而於  
存沒一也爾湖廣道監察御史馬隆妻王氏克相其  
夫而已早沒茲特贈爲孺人爾其有知昭斯寵命  
勅曰國家推恩臣下而必及其室家者所以厚人倫之  
本也爾湖廣道監察御史馬隆繼室李氏恪修婦道  
以相其夫茲特贈爲孺人服茲恩榮永光閨闈  
勅曰山西按察司副使馬隆代州倫頭寧武等關介乎  
大同延綏兩關與豐州東勝等處接壤虜賊夏秋以



爲巢穴住牧入春於此過河入套爲賊衆經行緊要之地今特命爾常川往來前項地方整飭兵備操練軍馬修理城池墩臺隘口兼督糧草問理軍民詞訟不許干預別事有誤邊備爾爲憲臣受茲委託務要持廉秉公正已率人凡事須要與各該鎮守巡撫分守中備等官公同計議從長處置毋得偏私執拗致誤委用如違罪有所關爾其慎之慎之故勅

奉

天承運

皇帝勅曰國家分建六曹各專一幕所以綜文移之出

鞏縣志

卷之六

六

經川圖書館校刊

納稽吏事之情勤事若簡而實煩任若輕而實重茲惟慎選務在得人爾兵部司務劉遜天賦英資人稱遠器鄉闈登薦部幕列官綜理精詳事不勞而畢集操持清慎名以著而益勤課功旣邁平常倫褒寵適逢平慶賚茲特進爾階登仕佐郎錫之勅命於戲官在明揚簡拔尙需於來效思當圖報懋修勿替於初心勉副訓詞嗣膺顯擢欽哉

奉

天承運

皇帝勅曰工部古冬官之職厥屬有四而責任並重必



得其人乃克濟焉爾南京工部營繕清吏司主事趙  
迎蔚以後才奮登甲第授官郎署往詣留都克慎克  
勤賢聲茂著爰頒渥命以示寵褒茲特進爾階承德  
郎錫之勅命爾其益盡乃心益修乃業嗣膺峻陟副  
此命詞欽哉

勅曰朝廷敷錫羣臣愛及厥配實惟內助之良有相成  
之道焉爾南京工部營繕清吏司主事趙迎妻王氏  
恪修婦道善相其夫夫既顯榮爾宜並貴茲特封爲  
安人祇服休命益慎壺儀

奉

鞏縣志

卷之六

七

經川圖書館校刊

天承運

皇帝勅曰朕以元嗣誕祥覃澤宇內凡仕於朝者咸得  
以推揚其所生所以廣恩渥均休慶也爾原任陝西  
慶陽府推官趙璠乃南京工部營繕清吏司主事迎  
之父供職勤能持身謹厚訓成令子克振前休推厥  
所由宜申卹典茲特贈爲承德郎南京工部營繕清  
吏司主事惟爾有知歆於時命

勅曰賢才之興雖由父訓而資於母德恆多故褒典均  
焉爾符氏乃南京工部營繕清吏司主事趙迎之母  
順以相夫慈能成子爰頒渥命用旌爾賢茲特贈爲



安人懿靈不昧享茲茂恩

奉

天承運

皇帝勅曰朕惟鴻臚之職典司朝儀爲國近侍厥責攸重必得其人乃克稱焉爾鴻臚司序班李復啟發身胄監擢任今官勤慎著聞宜有褒嘉茲特進爾階登仕佐郎錫之誥勅爾其宜盡乃心修乃職以俟顯擢光我訓詞欽哉

御製祭文

洪武四年

鞏縣志

卷之六

八

經川圖書館校刊

皇帝遣祕書監丞陶誼致祭於

宋太祖皇帝之陵曩古有元失政天下紛紛朕由此集衆平亂統一天下今已四年矣稽諸古典自堯舜繼天立極列聖相傳爲萬民主者陵各有在雖去古千百餘載時君當修祀之朕典百神之祀故遣官賫牲醴奠祭修陵君靈不昧尙惟歆享

洪武三十五年

皇帝遣道士仕實沈與真致祭

宋太宗皇帝曰自古有天下功德及民者當享百世之祀我國家崇祀古昔帝王厥有常典今朕遵承



祖訓奉

天征討卽位之初永惟

聖帝明王陵寢所在不可不敬是用奉幣帛牲醴以祭  
惟皇有治世之功有安民之德歷世雖遠神靈不亡  
其尙默贊玄化孚佑下民俾臻太平之福朕其敬祀  
萬世無斃尙享

永樂三年

皇帝遣鞏縣知縣劉安致祭

宋太祖皇帝

宋太宗皇帝

鞏縣志

卷之六

九

經川圖書館校刊

宋真宗皇帝

宋仁宗皇帝曰昔者奉

天明命相繼爲君代天理物撫育黔黎彝倫攸序井井  
繩繩至今承之生民多福思不忘以報特遣官賫捧  
帛幣命有司詣陵致祭惟

帝英靈來歆來格尙享

鞏縣重修廟學記

行人司行人洛陽黎良撰

洛陽東百三十里許曰鞏縣蓋因山河四塞而得名  
也鞏治正南有先師孔子廟學附焉其創建遠矣惟  
正殿巋然頗無傾頽殿與戟門兩旁凡若干楹曰廚



與庫暨兩廡門牆咸震凌就圯蕪穢不治廟前雜以居民喧呶可厭關中沈侯源字澄夫以鄉進士來尹茲土既滌篆卽首謁先師孔子廟喟然興歎曰廟宇乃棲神之區學校實首善之地今若此有司之先務有急於此者乎越一載政通人和乃鳩工集事正殿之有缺落者咸補足之既完既美乃輸乃奠荆建兩廡二十四楹中肖郡賢像繪事視先師配哲丹青炳煥金碧輝煌以至櫺星大成重門洞啟牆垣廚庫百廢皆興以錕幣易前居民之地廣六丈有奇而袤四倍之先師正殿高居迴暇遠絕塵囂如撥雲見天甚快觀望簋豆壘爵器飾五彩金聲玉振樂備八音以至籥羽之儀袍服之制偕手並作鼎然一新又移學后居民於玉仙聖母廟旁隙地得地表十有五丈廣三之二建射圃亭以爲生徒觀德之所餘地之租入貯學庫充新增祭物二十四品代民出辦且備修葺區畫規制井井有條經始於嘉靖二年二月戊子至次年四月辛巳實落成之期也一日司訓丘隆遣生員岳恆張臻持狀謁予請記予習知沈侯賢又與輩士大夫多交善遜謝弗克遂因而告之曰尊師重道興學毓賢沈侯其知急先務也爲輩之師者立其道



爲鞏之士者善其學於牆高宮廣之中際禮備樂和之盛仰高山景先哲蓋將得其門升其堂而入其室矣扶持天常植立人紀倡率化導之功不可誣侯將奏最明廷榮膺顯用更將以是心而布之宇內也乎

鞏縣重修儒學記

鈞州知州華亭范惟一撰

范子曰余至鈞陽蓋聞鞏有茂宰謝子云癸卯秋予與謝子並以臺檄有事於梁見其人間間然朴茂真實有古循良風余甚異之乃謝之欣遇予也是年冬謝子以書東曰鞏學敝久矣走承乏踵令於茲有疚心焉謹出已俸謀於邑之大夫士及民有力者咸聞

鞏縣志

卷之六

十一 經川圖書館校刊

義而起程蓄而輸今當落成也敢請言於下執事其學博趙子亦奏記諸請余曰謝子之舉鞏學也每推君爲山斗願君文之以紀故實詔來世也范子曰令哉謝子當於古人中求之矣古之君子視同宇內凡震風凌雨之患皆有戚於心而切於己況學校首善之地禮樂政化之所繇忠哲賢材之所總願地焉弗治其孰能安之予聞謝子之爲鞏也振災補滯百廢俱舉而於修學官師勵人士尤舉爲上務其於學之成也與師生舉酒落之躬釋菜禮進人士而倡以明倫之學鞏之諸人士有不翕然興起者乎詹僖公之



作泮也詩人誦之曰濟濟多士克廣德心嗟乎鞏之  
諸人士苟由此而廣德心也則謝子之爲政豈獨功  
德於鞏哉李唐人韋景駿曾令肥鄉繕治學廬館舍  
以處髦士他日過之兒曹悉至迎勞以獲見爲幸夫  
景駿所以列於循良者雖其治壯偉然而興學尤其  
大者近聞謝子將報政而留內矣然則他日鞏人不  
猶有景駿之思乎余又聞謝子大父嘗令偃師名至  
今藉甚今謝子復有聲於鞏又可謂能世其業矣是  
舉也計幣凡三百繕建兩廡廊舍凡三十楹其櫺星  
戟門甬道牆垣俱仍舊址而增葺之經始於嘉靖壬  
寅八月落成於甲辰三月而余之記則作於是年十  
月若夫兼總貫條經理區畫耆老譚朝之功居多焉  
因併及云

鞏縣志

卷之六

三

經川圖書館校刊

鞏縣任侯遺愛碑記

給事中三山許天錫撰

關中子克宏尹鞏縣再寒暑政事通百廢舉暇日召  
父老進於庭詢之曰若等爲邑氓近期臺前令之賢  
稔知之有得民心而去思者第言之無隱諱吾將勒  
諸石以慰黔首思以彰前人善也一老前悽然曰小  
人長蓬蒿中昧政理但記成化間有任侯者蒞吾土  
欲徵科必以時等殺視豐吝貧乏者恆無窘迫優於



聽訟論道理及利害訟者自悔悟卽聽罷不鈞致退  
成相戒以勿擾政稍暇輒行隴畝間見稼穡時及耕  
耨不力者召勗之曰民所賴者食田食所出也汝縱  
不自愛汝父母朝夕養何所給耶怠於農務卽不孝  
中人暨來歲阡陌皆豐植戒閭閻以恩義相糾結有  
小怨勿相讐時振貸民四時不苦饑又仁愛出天性  
雖於行旅炎暑時郵舍恆給茶以濟渴於役夫寒烈  
時必瀆里給餐粥餘善政在人耳目者不及悉此其  
概也當是時任侯亦不求赫赫名而事集而民亦安  
其化而不以爲異也後來或嚴刻少慈愛則入隳廢

鞏縣志

卷之六

三 經川圖書館校刊

益科擾民益思任侯之恩愛政矣近非侯小人不得  
至此地非侯人亦不能爲斯舉矣克宏感父老語遂  
疏列遺介走都下謁予以丐言文予嘗謂人之相處  
於一世在土之恩德有淺深故思慕有久遠或時日  
或歲月任公去任三十年而墓木已就拱鞏之民獨  
思慕如昔時非公之誠心善政深渥於民心能致是  
乎古所謂循良之吏公殆無愧矣又有其善斯不蔽  
人之善克宏爲此舉則克宏之樹立暨異時之思慕  
亦可知任公諱義字制宜由鄉薦知真寧服闋轉茲  
土家世山右平遙人



鞏縣丞劉公遺愛記 吏部考功司員外譙郡薛蕙

譏

後世去先王之時已遠法令異而風俗變教化不可卒興當是時也莫若務養民以先之民既贍足後世教化之興可頌先王之道可幾也然養民者宜先擇州縣之吏蓋州縣之吏於民爲邇得其人則州縣之民安不得其人則州縣之民病故爲政者在乎養民養民在乎擇州縣之吏欲治而慢於養民猶農之不田也養民而忽於擇吏猶田而不得耒耜也惡乎可哉夫所謂養民者非他使民衣食具足而亡夭殤耳

鞏縣志

卷之六

西 經州圖書館校刊

世之說者以此爲迂緩卑近而不屑昔周公作無逸之書七月之詩以戒成王孟子舉王道之成以曉齊梁之君類皆小人衣食之事彼誠知養民以致王道其要不越乎此而非若後世之說也且其不屑乎此者是又心以爲易而未嘗知其難也今州縣之吏汚暴則恣爲姦懦弱則不勝任中才則苟自全此三者於此必不能矣幸而不出此三者則今之所謂村吏也迺又多自異而求可喜夸詡以感衆苛切以苦下事省而張之使煩俗安而駭之使動此其厲民顧不甚耶然則能養民者必明達敦厚廉平寬靜之君子



而他人莫之與也其亦難矣予讀漢書循良傳歎其誠有意於養民也然考其實大率閭閻田畝畜養種樹之事是皆後世以爲瑣細而不盡心者而古人蓋惓惓焉歷城劉公諱璟字顯玉天順自太學生授河南府鞏縣丞於時民猶淳樸公因以簡靜治之縣益無事時從一卒出入阡陌視稼行動惰或夜出邑中見績者且必勞賜之於是民趨作業衣食有餘戶口蕃息值吏部尙書尹公不悅於小人得罪去位尹公歷城人也凡歷城仕宦高者謫削下者廢罷公嘗有德於偃師嵩二縣至是鞏與二縣合千餘人來京師

鞏縣志

卷之六

五

經川圖書館校刊

上書乞留公不報公歸無一金之裝民爭致饋獻公又悉謝卻之送公者遮擁哭泣踰數百里不絕公之事始末如此可謂有意於養民者矣嘉靖二年長安沈侯源來令茲邑得公之遺事於父老侯喟然歎曰惟公愛鞏人甚而鞏人思公最久今不有紀述更數十歲傳聞寢遠非所以彰賢者之化慰鞏人之思也迺請予記之予因著公之概特反覆論之欲諷當世之士俾留意於養民非獨以慰鞏人之思而已

送劉戶部丁內艱還家敘 山西霍濮二州學正新

安曹端撰



皇明立天地之中建中和之極而真元會合之氣全  
三光五嶽鍾靈毓秀所以公輔之器經綸之才出而  
佐文明之運永太平之圖焉況河南爲天地之中山  
無不明水無不秀人物之生歷代爲盛近世程夫子  
許魯齋則又聞世之英非常之才而承道學之傳焉  
鞏邑著姓劉氏之子曰升高者鍾靈秀而爲英傑自  
幼以讀書爲明道之方以行孝爲立忠之本直得程  
許之心法允蹈聖賢之真趣永樂元年癸未以明經  
領鄉薦明年甲申會試南宮登名進士對策天廷敷  
陳治道實惟禹臬之陳謨非若賈董之對策也遂膺

鞏縣志

卷之六

六 經川圖書館校刊

高擢授行人司行人每承九重之命出使四方溥海  
內外靡所不到不惟不辱君命而又克宣君德也九  
載課最特膺超擢陞戶部員外郎上知其性資溫雅  
進退從容語言不妄喜怒不形持心操節必格神人  
之道足爲人之表儀乃命鎮守交趾交趾之人畏而  
愛之則而象之莫不曰天上人也將及九載應詔回  
京上甚器之不幸母夫人以壽終於家訃音至輒哀  
號悲痛絕而復甦者屢屢焉其僚友之仁者慰之再  
三而後少解也時余以霍濮二州學正考滿至京公  
之同志張公鵬飛率同僚詣余邸徵言爲贈余素樂



心而拙於命辭固辭不已乃述其所問之概以畀之復祝之曰養生不足以當大事惟送死可以當大事公之歸也其在途其望邑其至家一依文公家禮而行不感流俗之陋斯不愧於程許程許之行具在方冊有不待余言之贅者公制終而起移孝爲忠仰光前烈垂裕後昆余之望也亦公志焉是爲序

元

元故鞏縣尹中議大夫禮部侍郎騎都尉追封清河郡伯張公神道碑 翰林直學士奉訓大夫知制誥同修國史曹元用撰

鞏縣志

卷之六

七

經川圖書館校刊

大中大夫參議中書省事張毅將赴河南廉訪使爲其祖清河郡伯徵予文元用謹撰其行述伯諱恩字某張姓解梁人考於金季嘗司解鹽今逸其名妣景氏伯生於金承安二年仕至嵩州安撫使豪猾憚伏州境爲清以直言忤時貴退處鄉里天兵定河南主帥聞之俾仍乃職不獲已起視事嵩人稍稍來歸改尹鞏翦榛棘以立治民有訟者諭之曰爾不孝弟力田乃譁競若是耶其人慚退羣相告戒弗敢易以速訟不得已刑人乃對之泣人目爲佛以至元九年四月十九日以壽終享年七十八歲以至大元年二月



望日耐葬於鞏南青龍山北先塋之次后以孫毅貴  
贈禮部侍郎都尉追封清河郡伯配王氏贈清河郡  
君子四人長思敬初襲鞏令改鄆陵沁水洛陽大名  
鄒平後陞江陵路總管府事皆以善治顯大名歲饑  
發廩振之江陵水漲則預爲之防及水至民免於溺  
均州壤瘠民窶諄切勸之耕耨遂爲樂土率以貧富  
爲勝負先屏豪橫而後理其餘爲政大率多類此享  
年八十有一歲娶韓氏生獻松江府判官次思信始  
以百夫長統征蜀有功授忠靖校尉管軍把總攻襄  
陽執俘以還遷昭陵校尉佩金虎符管軍上千戶行

鞏縣志

卷之六

末

經川圖書館校刊

師不妄殺得賞賜以分宗族五十歲以壽終娶楊氏  
生詡嗣職三思忠河南行省參政以子毅貴贈集賢  
學士大中大夫上輕車都尉追封清河郡侯娶薄氏  
繼蘇氏並追封清河郡夫人四思孝不仕其鄉邦以  
善人稱者不一而足嗚呼盛矣郡伯之後多賢也蓋  
其甄樹德厚衍於其躬用之未能盡其蘊故溢諸遺  
裔承休迭興未已也用爲記其實云

元故贈中奉大夫河南江北等處行中書省參知政  
事護軍追封清河郡公張公神道碑 翰林侍講學  
士通奉大夫知制誥同修國史歐陽玄奉勅撰



公姓張其先解梁人今家鞏縣子爲中書參議公贈集賢直學士大中大夫上輕車都尉追封清河郡侯子累遷江浙等處中書省參知政事公進贈中奉大夫河南江北等處行中書省參知政事護軍追封清河郡公及其孫爲吏部侍郎近臣爲之奏於上有旨致以子賜碑致以孫若享自然之福而膺身後之名徐考其行事二者之寵皆公之自致也子若孫致位於斯其致亦以公也公之父仕爲嵩州安撫使張氏之宦業在嵩矣以直忤時貴退而不居公少時署竹

鞏縣志

卷之六

九 經川圖書館校刊

監遺澤在矣以其厲民又退而不居是仁人君子之用心也張氏再世有仁人君子之心居之子若孫所以致今日者也公諱思忠字誠之幼靜重簡默羣兒追之不爲動侍立長者進退如成人稍長從諸弟入學舍先生見其蚤慧授以孝經使做書公受教卽能無苟且意先生謂其父曰此子他日必以儒起家浸長果日嗜學王師國襄陽調庾吏給管其糧備不匱改司嵩州竹課甫壯年獨不樂爲復仕性孝友親病晝夜不解帶兄從軍襄樊三月書不達公徒步至兵間不避鋒鏑卒獲安耗歸寧其親然或道遇螻蟻必



遷步以避惟恐踐及一日謂其兄弟曰古人有十世同舉火者今何爲不然特非俗之不古歟兄弟感其言不敢謀析處鄉鄰有貧不能婚葬者視親疏有等無不有所周卹人有歸貸者付以量衡使自均其輕重隆殺爲報其不能者輒毀之劑遠近以忿爭見質隨以理折之往往弭怨家居隆師教子尤好眉山文嘗鈔百篇授諸郎使矜式暇日從賓朋觴詠自樂耽視世態泊如也至元二十七年四月二十七日終於正寢壽年四十有九以吉月吉日葬洛陽南青龍山北之陰先隴嵩州公諱恩金季宦爲元戎以黨論與

達官齟齬勇退於家王師徇河南主帥聞其賢版以故職力辭弗已乃爲嵩人所歸未幾改鞏令有仁政號張佛以孫貴累贈嘉議大夫禮部尙書上輕車都尉封清河郡侯子四公居其三伯思敬見前不一而足子三人長曰毅卽浙江參政爲時名鄉次日規贈中書禮部員外郎三日弼太常禮儀院同知孫男六人惟敏卽吏部侍郎有父風惟賢有文聲尤工詩詞郡掾禮部御史宋聚爲作張才子傳其他或仕或學俱進未已嗚呼盛哉先儒曰稱人之善必本於其父厚之至也豈獨朋友交際之道爲然人君之御臣必



於其先世重追往之典亦厚之道也厚之極致贈典  
之外繼之以賜碑云

鞏縣志

卷之六

三

經川圖書館校刊



鞏縣志卷之七

知縣德州周泗校

生員康紹第集

甄文

國朝

明故處士劉公墓誌銘 賜進士第左春坊左中允

翰林院修撰經筵講官同修國史潁川賈詠撰

處士諱寬字元德姓劉氏其先開封陳留人國初徙鞏南黃冶村居焉朝列大夫山西布政使司左參議諱登府君之仲子也曾大父守中大父士隆俱隱德

鞏縣志

卷之七

一 經川圖書館校刊

弗耀至府君始以善舉永樂癸未鄉試甲申舉進士由大行人擢升戶部員外郎以風才望出鎮交趾凡六載懋著奇績擢是官有聲於藩將大厥用顧懇乞歸累疏乃俞母谷氏先卒生子男一曰真不仕繼阮氏生子男二人曰敏晉府典簿次卽處士謹愿純樸和易直諒有古良士風不樂仕進每以耕讀自娛雖醫卜小技皆肄而通天性孝友外無閒言治家嚴處事接物率以恕性不愛金帛平生貲貨散而不蓄善調濟間人有急輒欲救之見爭訟不義輩卽不與言鄉人無少長咸稱長者教子務學惇尙行實不欲以



文叔先人也今上臨御之四年歲庚午會尊上兩宮  
徽號推恩海內凡高年者宿命有司給米布內絹有  
差用廣老老之仁處士適沾郵典且加冠服爲東蓋  
嘉際也又四年夏以正卒於家實正德癸酉四月二  
十九日距其生宣德壬子七月十八日享年八十有  
二配張氏先卒繼李氏亦卒生男子一人卽遜亦以  
書舉弘治壬子鄉試克繼先志累試春闈不第謁選  
銓曹四事居優授兵部司務甫期以慎名爲大家宰  
楊公所知調簡吏部女二人適□□繼席氏生男子  
一人曰廷女四人長適襄垣知縣張銳次□次□孫  
男三人孫女三人曾孫男一人邦直曾孫一人尙幼  
訃聞京師遜卽奔歸以卒之年□月□日扶柩黃冶  
村先塋之次啟二配之兆葬焉徒跣請銘嗚呼公襲  
前人之慶得自裕一意以力於善又得賢嗣以奕先  
業而繼述之責益有所託矣公出入其間悠悠處世  
以享高年茲其終也殆無遺憾也哉不可無銘銘曰  
厥考有作公庇其芳厥子有聲公挹其光躬耕是樂  
力善是常壽履平耄善名於鄉瑞慶流衍簪紱煌煌  
爰及封典庸示褒揚九原不待雙鶴歸藏千秋有所  
黃冶之陽



荆建普安禪寺記 賜進士第翰林院編修文林郎  
吉水周敘撰

鞏爲邑據山川之會而虎頭山當其南又其勝也山  
半有地頗夷曠洪武丙子僧會圓融始開基創佛殿  
其間時僧舍皆穴處至永樂中僧了喜繼之而齋室  
宿廬庖湏之房始備其成之可謂勤矣今年春予奉  
命代祀宋諸陵至鞏留宿於寺愛其景幽僻遠而林  
木蔚蔚陰居久將適了喜又淳篤有戒行蓋釋流之  
卓卓者也事竣將歸乃再拜向予請爲寺之記且曰  
恐後之居此者或怠於修葺也蓋垂諸文字以圖興  
是寺永永俱傳并以告吾徒之相承者予惟世率言  
佛之道意以動人凡以興作成之甚易今觀圓融了  
喜用力幾三十年而其寺始克完不亦難甚矣哉然  
向非其經營之勤蓋亦有弗克就之者矣吁世之人  
欲成功業者又豈不各由於勤也歟了喜號悅庵今  
爲僧會云宣德元年歲丙子三月辛酉立

重修青龍山慈雲寺碑銘 河南府知府虞廷璽撰

黃河之南去鞏縣四十里有山曰青龍山之爲勢穹  
窿高聳玉潤雲翔有若龍盤之狀昔宋太祖因山而  
陵遠取諸象蓋葬於青龍山之陽卽此山也夫名山



勝地必有古刹建於其間在漢明帝永平七年有僧  
摩騰竺法蘭始建白馬寺於洛陽城東既而雲遊此  
山因其山川之秀遂開慈雲禪寺故其山如滿月之  
形水曲雲合之派內藏玉兔外列金龜東有黑龍之  
潭左名獅子之嶺南現鉢盂之峯有初祖降珠之處  
二老談經之所其他奇峯峻岫疊嶂層巒壁立萬仞  
者不可勝紀至今唐三藏禪師奉勅重修莊嚴寶地  
自茲以往或興或廢修置不一迨至我朝正統甲子  
歲有僧南宗浮杯越海而來發心修造輸與聿新既  
而歲月屢更風雨頽圯碧瓦飄盡棟折垣墻坍塌所

鞏縣志

卷之七

四 經川圖書館校刊

存者惟殿屋址基而已使佛無安棲之域僧無歸向  
之心狐兔縱橫蟲蛇駢集大室變爲民間之田浮屠  
轉爲地下之石荒煙瓦礫鞠爲坵墟但見樵子牧豎  
往來其間行道之人莫不心惻適有潭懷者宿廣明  
秋月居士等捐貲修建不憚勞苦乃卓錫鳩工大展  
山門而成無量功德故創始於景泰乙亥秋落成於  
順天戊寅夏中建大雄之殿轉角有廊前後有廡樓  
閣崢嶸千仞齋堂整齊堂甃複道琳宮珠館方丈有  
室廚庫有房黝堊丹漆金碧交輝內塑諸佛水陸以  
至諸神粧理咸備大小僧房不計其楹工料所費千



萬餘緡自非覺順德行清修功夫縝密勤於濟幹者  
疇能成茲大事於深山幽門之境闡揚佛教清淨寂  
滅之鄉雖遠公之住廬山達摩之居少林大巔之臨  
南海其勝會叢亦不多讓也是固宜銘其銘曰

雲山蒼蒼在彼高崗名曰青龍負陰向陽水環鞏洛  
地接嵩陽中有梵宇創自漢唐或興或廢修建不常  
廬山領秀曹溪水香適有上人道德四方來遊來止  
感慨心傷禾離煙鬱烏鳥頡頏發心修善誓力道場  
不畏寒暑豈憚風霜達於壇越廣施棟梁經之營之  
峻宇雕墻諸佛有殿衆僧有房祖風是務佛日增光

鞏縣志

卷之七

五

經川圖書館校刊

少林共祖白馬同鄉香火供養鐘鼓鏘鏘爲國祀釐  
與民降祥皇圖鞏固地久天長鐫筆紀事千載流芳

宋

西京永安縣新修淨惠羅漢院碑 朝奉郎行右司

諫直史館同修起居注上騎都尉賜緋紫金魚袋

臣 張觀奉旨撰

夫緣起日形曷追有名之域像設爲教終開善上之  
筌事雖稟於勝衰道固存於靜妙不有墮圯何以達  
維新之功不有壯麗何以格龐鴻之慶則青龍山羅  
漢龕之謂平居山之陰其制甚陋年禩寢遠莫取營



範之初邑里至慶素爲贍奉之所穆如宴坐甲於勝  
遊層巘俯臨喬木交映封巒舊壤近鞏洛之奧區神  
關凝空接靈臺之福地雖僅存於環室而久乏於莊  
嚴蕭然庭除鞠爲茂草羅漢之號始於西方具載釋  
經此不繁述蓋諸佛名神設其名品以爲證果之階  
耳察其頓漸則三乘之理有殊語其開誘則一雨之  
潤無別福我黎庶率爲令人豈有尊其教而卑其居  
尙其德而慢其禮者哉先是上御藥羅崇勳嘗馳使  
車躬視陵邑覩茲遺美因而上言兩宮以睿聖之慈  
敦至仁之治爰使安葺用垂不朽乃命高品張懷恩

鞏縣志

卷之七

六

經川圖書館校刊

相厥事謹其費慮其勞永定陵副使張永和督其役  
焉於是營可構之材鴻織適用成至信之衆遠邇如  
歸不日成之其道甚大詔自京師迎佛像居殿之中  
遷羅像翼坐其次巖然如元愷之相待虞舜也東曰  
廚西曰堂重樓交影疊采並煥又若毗耶之蓋奉如  
來也賜其院淨惠旨遠平哉悟其本君子得通神冥  
累之方覩其嚴小人知遷善遠罪之地彌我皇化不  
其偉歟爰命小臣志其盛事謹爲銘曰  
龕像之設惟福之基堂構之盛惟民之宜經之營之  
如鞏斯飛觀像生善悟理知歸上尊其德下盡其力



水閒鐘梵山潤金碧冲寂其性仁義其迹壽國伊何  
時萬時億

遺文

範圍數序

邑人趙迎 僉事 撰

大哉造化之妙也理而已矣數而已矣理一也分而  
爲二氣氣二也折而爲九數在天有十干是謂之天  
元在地有十二支是之謂地元天地交感干支配合  
錯綜流行有六十納甲是之謂人元靜極而動於是  
平有陰陽之清濁厚薄焉於是平有四時生旺死絕  
焉於是平有八卦之生成休廢焉於是平有五行之

鞏縣志

卷之七

七 經川圖書館校刊

制化生尅焉於是平有人物之吉凶富貴貧賤壽夭  
焉舉莫逃平其數也是之謂範圍先天露其機大禹  
之九疇著其迹文王後天闡其微厥後劉牧得其傳  
傳之范諤昌諤昌傳之許堅許堅傳之李漑李漑傳  
之种放种放傳之希夷希夷傳之邵康節他如野門  
如白雲如丙峯者皆傳此數之緒餘以自鳴於世顧  
爲書猶頗放失散無統紀皆術是者祕其訣以自神  
其數使人莫得而測其機且其簡編博煩亂重複舛  
訛執此以定人之吉凶豈可得哉古語有之數之不  
靈非數之罪也算數者之罪也愚則曰非算數者之



罪也作數之書者之罪也於是得其浩博刪其繁亂  
削其重複正其舛訛分其門類謂範圍不可以無圖  
式也始之以圖式不可以無起例也次之以起例不  
可以無源流也次之以源流不可以無格局也次之  
以格局不可以無卦訣爻也次之以卦訣爻不可以  
無取斷也次之以取斷十干有陰陽次之以陰陽有  
真化次之以真化至於更互演義發明此數則又有  
五行得失五行分局九數總論九數分論五命分論  
以次而列其編也若夫流年斷此又命數所不可缺  
焉耳矣故以是爲終焉古人有言曰依經考斷應驗

鞏縣志

卷之七

八 經川圖書館校刊

如神信是言也嗚呼造化之物物也使物不得而知  
也是數之出造物物之得失舉燦然於推策於布算  
矣破造化之祕泄鬼神之機斯有罪焉雖然天地萬  
物莫逃乎數世之戚戚於貧賤役役於富貴遇寵利  
而驕矜處患難而恐懼者多見其誤用其心也已故  
曰樂天知命故不憂又曰君子修身以俟命明乎範  
圍之數達乎造化之理則知人之吉凶禍福固素定  
也豈非不憂俟命之一助乎哉觀者其勿例視之待  
數云耳

詩



唐

石窟寺

牛承直

鞏縣知縣

老去尋山意漸便與來登覽獨怡然僧歸禪榻香盈  
帳人喚漁舟晚濟川清洛冷光浮巨棟靈崧積翠拱  
中天公餘底事頻來此民遠官刑不用鞭

宋

過周襄王祠

李淑

大理評事  
館閣校勘

周室否艱際君王坎歆居荒祠黍黎後喬木壑遷餘  
世故感內黨客行悲舊墟一窺盟狩迹難問獲麟書  
遊石窟寺

張綬

鞏縣志

卷之七

九

經川圖書館校刊

野寺枕清洛古像鑿岸石軒窗渺空曠樓殿燦金碧  
僧多龕崑居門為嵩少關我來值秋晚高下窮勝蹟  
萬籟息衆竅千花紛講席乘興宿禪房梵音徹寒夕  
國朝

登宋陵

周敘

編修

蕭蕭風雨老秋梧龍去空餘舊鼎湖四聖德輝同舜  
禹百年文治紹唐虞邛山北枕環陵邑汴水東流是  
故都祇服皇仁嚴秩祀仙輿尙想降雲衢

洛陽懷古

洛陽形勝古中州此日登臨愜壯遊嵩少羣山皆北



拱澗瀼諸水自東流銅駝巷永絃歌曉金谷池空草  
樹秋問道五賢祠亦廢不勝惆悵感前休

送周編修代祭宋陵

王英 右春坊  
大學士

明廷秩祭降深恩詔遣詞臣出禁垣遠歷山川周洛  
邑恭陳俎豆宋陵園御香滿路花爭發柳色連村日  
正暄想得近陵諸父老齊來瞻拜擁行軒

又

王直 翰林侍  
讀學士

函香分祀宋諸陵使節皇華寵渥承河水遠通平野  
外嵩山高處亂雲層馬遷勝覽憐予病李白豪吟羨  
子能若到薇垣謝知己山陰短棹興難乘

鞏縣志

卷之七

十一 經川圖書館校刊

河復故道有感

吳相 河南府  
知府

庚戌年來守此方南侵河水正湯湯關心額稅徵無  
計急報神功過禹王

黑石待渡

劉醇 邑人

黑石中分古洛河秦兵漢卒幾經過風轉柳圍聞鶯  
語月滿中州聽棹歌帆影遊魚穿菡萏浪翻宿鷺入  
煙蘿清閒寧似波中叟日伴滄浪永太和

洛水泛舟

芳草垂楊古渡頭身閑贏得一扁舟歌聞蓼岸鷺沙  
鳥風送蘆帆過遠洲欲慕五湖煙水晚未聞三徑楚



天秋漁翁短棹吹新調助我乘槎泛斗牛  
市河煙柳

尋芳策杖市橋前柳色垂金二月天宿霧纔開去霽  
日和風初散曉來煙沙汀燕子啣兒語蓼岸鴛鴦貼  
水眠尤盛灞陵風景好一川城郭翠微連

天塹洪流

十八灣流西復東形連江漢與朝宗萬雷聲震碧天  
外一脈椎吞銀漢中砥柱怒濤驚鳥雀禹門汲浪化  
魚龍何時共客看牛斗帶月乘槎訪舊蹤

洛陽懷古

鞏縣志

卷之七

十一

經川圖書館校刊

春風弔古洛陽邊一望川原思眇然綠野堂開惟見  
燕天津橋廢不聞鶻成周故國寒煙外汴宋諸陵夕  
照前惟有灋澗流水在滄波東去自年年

登慈雲寺

趙迎邑人僉事

昔我登山未盡頭此心鬱鬱幾經秋重過溪澗酬前  
志再陟巉巖繼舊遊接地風雲隨我轉連天景色許  
誰收危峯頂上堪舒目觀盡明王四百州

過汾陽王祠

流芳千載郭汾陽心秉忠精佐大唐功懋朔方滅寇  
虜蹟留河洛見祠堂荒山定指風妖洞古柏森行拂



漢蒼瞻拜遺容欽儼雅愧無椒酒獻壺觴

過宋陵有感

洛陽謝江行人

陵墓崔嵬春復春臨坡下馬淚沾巾地圍河岳分龍  
虎夜閃旌旗扈鬼神北狩玉輿終不返南都皇屋竟  
長淪我皇繼統開中域一掃胡煙萬古新

遊石窟寺

帝丘桑溥本府同知

二月十七郊外行嵩山洛水兩分明已勞地主盤餐  
餞又遣山僧管鑰迎緣磴酣歌春日暮憑欄極目曉  
風清酒殘不盡登臨興月印灘頭一艇橫

登城縱眺

邵陽潘進教諭

鞏縣志

卷之七

三 經川圖書館藏

雉堞環三里煙爐聚萬家嵩邱堅保障河洛映雲霞  
科第明朝盛山川大宋嘉宋陵在鞏綠樽傾不盡回首夕

陽斜

遊石窟寺

焚香坐石窟石窟生清涼侍側二三子歌詩四五章  
道窮天地外樂居日月長詠歸弄明月承學點生狂  
夏旱

隴陌急欲雨山川不出雲已知苗就稿誰懼國無民  
部屋歡娛少公家徭役頻振荒待明詔極目望楓宸  
謁子儀祠



忠臣自昔誦汾陽盜發幽陵亂大唐見虜單騎心皎皎  
提戈百戰氣堂堂春秋黍稷香生豆月夜松杉影  
度牆偶至漫從祠下過展忱自喜振冠裳

東周八景

市河煙柳

一道銀河幾許長兩行綠柳任飄揚等閑相鎖無人  
蹟疑是淵明五柳莊

竹林夜月

竹林月皎影婆婆坐久渾忘塵事何竹又清漪月又  
皎新詩吟就漫吟哦

鞏縣志

卷之七

三 經川圖書館校刊

紫金獨秀

峯古峻嶒插太空日霞金紫有無中諸山脫離不相  
倚爭似無言啟聖聰

洛口三倉

隋帝儲粟萬世王魏公據守望咸陽孰知一旦三倉  
竭四百山河屬大唐

宋陵煙雨

嵩峯麓畔平煙圃列宿高陵瘞宋王南渡那堪旌不  
返愁雲煙雨似悲傷

邙山積雪



西風冽冽滿林巒萬疊層巖砌玉寒騷客不郵苔徑  
滑尋梅詩興思漫漫

石窟晚鐘

霞映西山日已曛鐘聲梵語送黃昏應知不擾禪心  
動催促詩人午夢新

黑石待渡

石關洛水正當途多少行人帶酒需畫舸乘風搥鼓  
過落花飛絮鳥相呼



鞏縣志卷之八

知縣德州周泗校

生員康紹第集

雜志

災祥

嘉靖八年七月內五谷將熟禾稼盈野不意飛蝗自東南來飛騰蔽日止棲闊長四十里五谷穎粟苗草盡爲食毀後蟲蝻復生地皮盡赤小民流移父子兄弟各相離散

嘉靖三十一年四月冰雹自西北來大者如卵片者徑尺二麥花果盡傷境內饑饉頃刻溝渠皆盈經旬不解

鞏縣志

卷之八

一 經川圖書館校刊

嘉靖三十二年六月山水會聚河洛泛濫民居官舍公廨官廳盡行衝突頭畜人口不可勝數百姓逃亡嘉靖三十三年正月以至六月瘟疫流行民病什九死亡亦相枕籍中有無人掩瘞者晝夜號泣哀聲四起甚不忍聞

至元間縣治南四十里芝田鎮在宋爲永安因產芝草五本遂生盧亞後登狀元第因改爲芝田縣嘉靖十二年黃河自陝州清以至於鞏



嘉靖二十二年城北神堤保鄉民間犝牛產一犢牛  
頭馬尾鹿足白身有龍鱗五色二日而死有司不敢  
以聞



鞏縣志跋

鞏之爲邑始於東周惠公封幼子於此以續王號名曰鞏者蓋取河山四塞鞏固不拔之意誠哉河洛之咽喉關蜀之鎖鑰也歷漢唐宋元其鄉賢名宦代亦有人而斷碑殘碣咸可考也至我皇明復隸河南府獨當東面要路雖郡志有紀而邑志顧缺焉前之令茲土者或圖政而未遑或欲爲而未能因陋就簡相沿底此故當道每采取圖志率以傳聞之謄錄者應之茲爲文獻之缺可慨也已甲寅秋我邑侯父母松川周翁以精誠之學練達之才來知我鞏首以是詢蓋得先務之急者因其久缺銳然於舊錄之迹

鞏縣志

跋

一 經川圖書館校刊

益以博通之識復不自恃已見特資於我月潭楊師勵岩冀師洙西師又命第等四五生館於靜室時加省試禮敬優渥悉自己捐故不數月而遂成嗚呼換舊迹而述傳聞者第等之力也定是非而決去取者我松翁之見也俾百八十年之缺典成之於一旦歷三四十令之賢否裁之於一人庶鞏之爲邑可以敷知於遠方而聖主宅中據險以鞭撻四夷者不勞餘力而坐享太平之盛矣噫見其禮而知其政侯之嘉績懋於鞏者更僕未易數也觀此可知其萬一云嘉靖三十四年歲次乙卯正月吉日鞏縣儒學廩膳生康紹第謹跋



同修志生常 孝

劉繼馨

張永亨

姚 寶

東齋廩膳李一經

西齋廩膳王崇化

鞏縣志

跋

一 經川圖書館校刊